

JAVNO SAOPŠTENJE

KOMISIJE ZA VRIJEDNOSNE PAPIRE FEDERACIJE BOSNE I HERCEGOVINE

Komisija za vrijednosne papire Federacije Bosne i Hercegovine upozorava ulagatelje i potencijalne ulagatelje na aktivnosti društva Admiral Markets iz Zagreba na području Federacije Bosne i Hercegovine.

Admiral Markets iz Zagreba putem internetske stranice www.admiralmarkets.ba kao i putem sredstava javnog informisanja na teritoriji Federacije Bosne i Hercegovine nudi potencijalnim ulagateljima mogućnost trgovanja FOREX-om (najveće finansijsko tržište za trgovanje valutama), a istovremeno i poziva na odgovarajuće seminare u vezi sa trgovanjem na FOREX tržištu.

Komisija za vrijednosne papire Federacije Bosne i Hercegovine u skladu sa svojim ovlaštenjima i odgovornostima propisanim odredbama člana 11. stav 1. tačka 6. Zakona o Komisiji za vrijednosne papire («Službene novine Federacije BiH», broj 39/98, 36/99 i 33/04), kao i odredbama člana 251. stav 2. tačka e. Zakona o tržištu vrijednosnih papira («Službene novine Federacije BiH», broj 85/08 i 109/12), upozorava potencijalne ulagače da Admiral Markets iz Zagreba ne posjeduje bilo kakvu dozvolu ili odobrenje za provođenje svojih aktivnosti na teritoriji Federacije Bosne i Hercegovine. U skladu sa navedenim, pozivamo ulagatelje i potencijalne ulagatelje na najveći mogući oprez prilikom odluke o prihvatanju ponuda društva Admiral Markets, s obzirom da Komisija ne nadzire zakonitost poslovanja takvog društva, niti može utjecati na zaštitu prava i interesa ulagatelja koji poslovni odnos uspostavljaju s pravnim licima ili fizičkim licima koji nemaju odgovarajuću dozvolu ili odobrenje od Komisije. Ujedno informišemo javnost i da je Hrvatska agencija za nadzor finansijskih usluga upozorila svoju javnost na aktivnosti Admiral Markets AS sa sjedištem u Republici Estoniji i Admiral ulaganja d.o.o. sa sjedištem u Zagrebu i saopštili im da navedena pravna lica ne posjeduju dozvolu Hrvatska agencija za nadzor finansijskih usluga (HANFA) za aktivnosti na teritoriji Republike Hrvatske.

Ovo Javno saopštenje će se objaviti na web stranici Komisije www.komvp.gov.ba i u sredstvima javnog informisanja.

Sarajevo, 27.03.2014. godine

Predsjednik
Komisije za vrijednosne papire
Federacije Bosne i Hercegovine

mr. Hasan Čelam